



UNIVERSITÄTS-
BIBLIOTHEK
PADERBORN

Conceptvs Chronographicvs De Concepta Sacra Deipara

Zoller, Joseph

Augustæ, Anno 1712

XXX. Benedicta es à Domino, filia! &c. scit enim omnis populus - - -
mulierem te esse virtutis. Ruth. c. 3. v. 10. & 11.

[urn:nbn:de:hbz:466:1-75950](https://nbn-resolving.org/urn:nbn:de:hbz:466:1-75950)



De Conceptâ Sacrâ Deiparâ.

CONCEPTUS XXX.

S. I. Scriptura.

204. MULIER, à popVLO BE-
nedICTa.

Ruth. c. 3. v. 10. & 11. *Benedicta es à Domino, Filia! &c. Scit enim omnis populus, qui habitat intra portas Urbis meæ, Mulierem Te esse Virtutis.*

In signem planè Panegyryn, in commendationem puellæ, non pudicâ tantùm corporis venustate, sed sincero quoque mentis candore præstantissimæ, æquissimus virtutis æstimator Booz composuit, dum Ruth formosissimam his verbis est allocutus: *Benedicta es à Domino Filia, & priorem misericordiam posteriore superâsti; quia non es secuta iuvenes pauperes, sive divites: noli ergo metuere, sed quidquid dixeris mihi, faciam tibi; scit enim omnis populus, qui habitat intra portas Urbis meæ, Mulierem Te esse virtutis.* Succinctum, sed efficax certè puellæ præconium!

Verùm audiatur & aliud non ab uno tantùm Encomiafte, sed ab Universalî, Sanctâ, ac devotâ Matre Ecclesiâ, in laudem purissimæ DEI Genitricis solenniter decantatum! Et quale illud? audite: *Benedicta Filia tu à Domino, quia per Te Fructum vitæ communicavimus!* Benedicta es tu, ac millies benedicta, æterni Patris Filia, Filij Mater, Amoris inter utrumque Sponsa! utpote, quæ priorem misericordiam, in primo illo Conceptionis articulo à Numine receptam, ac ab omnî prorsus maculâ præservativam, posteriore, in dignissimam Divini Verbi Genitricem te cooptante, longè superâsti, utrumque ex nullâ aliâ ratione, quàm quòd alios Adæ Filios, sive pauperes, sive divites, omnes, omnes in Protoparente peccatores, iræque filios, Tu sola

peccati nescia, non es secuta. *Noli ergo metuere, Virgo electissima! sinistram quorundam malignantium hæreticorum, de Conceptione Tuâ purissimâ, opinionem; habes enimverò Numen ad tua vota propitium, & scit omnis populus, Cælestium, Terrestrium, & infernorum, Mulierem Te esse virtutis, ex toto benedictam, nullo unquam vitio, nec ad momentum quidem, depravatam, quam mellifluus Doctor attentius considerans, exclamat: O admirandam, & omnî honore dignissimam Virginem! ô Fœminam singulariter venerandam! super omnes fœminas admirabilem! Parentum reparatricem! posterorum vivificatricem! Scit inquam, omnis populus, quòd, sicut Solares radij super lutum descendentes, ab illo deturpari non possunt, sed ipsum potius illuminare cernuntur, sic Tua, ô Virgo! anima, super lutum humanæ naturæ descendens, à fæce originalis culpæ fordidata non fuerit, sed tota potius humana Natura inde illustrata. Scit omnis populus, quod, sicut Aurum in visceribus terræ non corrumpitur, sed magis perficitur, sic in uteri Materni visceribus, Tu nullâ corrupta fueris maculâ, sed potius à Spiritu Sancto perfectè Sanctificata. Scit omnis populus, quòd sicut ramus à bonâ arbore proveniens, licet in malam arborem infertus, non tamen ab eâ inficitur, imò potius tribuit perfectionem, sic Anima Tua à DEO proveniens, inserta in corpus, etiam de femine infecto propagatum, maculata non fuerit, sed ipsum potius multimodâ perfectione repletum. Scit omnis populus, quod sicut aer genitus, in instanti, quo gignitur, à Sole illuminatur, ita Anima tua à Divino justitiæ Sole, in instanti Conceptionis, fuerit perfectissimè illuminata. Verbo, scit*

omnis

Homil.
super.
Missæ.

omnis populus, quod quidquid Sacra recitat Historia, de magni, sanctique Nominis heroibus, ac heroinis, id omne Tuum sit, ô purissima Virgo! encomium, quam ornat innocentia Abelis, Justitia Noëmi, venustas Rachelis, fortitudo Jahelis, Majestas Estheris, victoria Judithæ, sedulitas Angelorum, scientia Arch-Angelorum, dominium Principatum, potestas Virtutum, Dominationum autoritas, quies Thronorum, Cherubinorum lumen, incendium Seraphinorum, & tandem, ut Paulus ait: *Quæcumque sunt Vera, quæcumque pudica, quæcumque justa, quæcumque Sancta, quæcumque amabilia, quæcumque bonæ famæ, siqua Virtus, siqua laus disciplinæ, hæc Tua sint omnia in cujus dilaudandis virtutibus, tot fudent devotorum ingenia, laborant manus, fluunt calami, teruntur Typi, ut verificetur omninò, quod de Te ipsa jam pridem confitebaris: Beatam me dicent omnes generationes.* Tu ergo, *Benedicta à Domino Filia!* impetra, ut & nos à Domino benedicti, filij DEI nominemur, & simus: Tu, quæ non secuta es reliquos Adæ filios, omnes in Adamo peccatores, effice, ut & nos non sequamur impios, cæcos ad Cælum duces, sed viam curramus mandatorum DEI, Tu Mulier Virtutis! fac, ut progrediamur & nos de virtute, in virtutem, utque immaculati in viâ, immaculati tandem Agni conspectu perfruamur in Patriâ.

§. 2. *Autoritas.*

205. S. CIJ prlanVs ILLibatae DeI parentIs DefenDens.

1. *Spiritu S. obumbrante, incendium originale extinctum est; nec sustinebat justitia, ut Vas illud electionis communibus lassaretur injurijs, quoniam plurimum à cæteris differens, naturâ communicabat, non culpâ.* Lib. de Cardin. Christi oper. Orat. de Nativ. Christi.

2. *Unde & Matri plenitudo gratiæ debeatur, & Virgini abundantior gloria, quæ mentis, & carnis integritate insignis, spirituali & corporali, intus & extrâ, Christi fruebatur præsentia.* Orat. de Nativ. Christi.
3. *Mater Domini nostri JESU Christi, in illâ muliere promissa est, hæc inimicitijs opposita serpentis: Ponam inimicitias inter te, & mulierem, &c. non certè dicit: Pono; ne ad Evam pertinere videretur; verbum promissionis est, quod transmittitur in futuram.* Lib. 2. in Judæos.

§. 3. *Ratio.*

Mater, CVr non æqVALIS angeLIS habenDa?

DEUS ab æterno, sive in æternitate Consilij sui Beatam Virginem MARIAM in sui Matrem, & Reginam elegit Angelorum, uti Beata Virgo de seipsâ in Scripturâ testatur: *Ab æterno ordinata sum.* Ergo ratio non est, cur non æqualis Angelis habenda? Conseq. Prob. Omnis ratio dicit, Matrem, & Reginam, æqualem esse, imò multò superiorem subditis suis: Atqui juxta S. Scripturam, ab æterno Angeli fuerant subditi MARIÆ, ut suæ Reginae. Ergo ratio non est, cur non ijs æqualis habenda? Subsumo. Atqui DEUS Angelos bonos, malis peccantibus, à peccato præservavit, & in gratiâ confirmavit, & Beata Virgo, tanquam Regina, Angelis in gratiâ, & Sanctitate ad minimum æqualis erat. Ergo etiam eam, cæteris hominibus peccantibus, ab æterno à peccato præservavit, & in gratiâ confirmavit. Quòd optimè confirmatur ex illo D. Anselmi dicentis: *Nihil Tibi, Domina! æquale, nihil comparabile est; omne enim quod est, aut super te est, aut subter te est: quod super te est, solus DEUS est, quod infra te est, omne, quod DEUS non est, &c.*

L. de exord. hum. c. 7.

Philipp. c. 4. v. 8.

Luc. 1. v. 48.

206.

§. 4. *Historia.*

207. teLa pretiosissima, Deiparâ
sine Labe ab Hispalensibus
obLata.

Summis certè laudibus extollendus, ac seræ posteritati, ad imitationem, transcribendus est, devotus Hispalensium Zelus, pro tuendâ dignissimæ DEI Genitricis, in suâ Conceptione, innocentia; cùm enim, in eadem Civitate, Concionator quidam improvidâ linguâ, Conceptionem Deiparæ, communî cum reliquis labe maculatam pronunciâset, omnes Urbis incolæ adeò indoluerunt, ut, quamvis à gravissimo Viro, P. Pinedâ, Soc. JESU Sacerdote, alia priori penitus contraria Concio haberetur, & detractus per illum honor, per hunc, in integrum, Virgini restitueretur: hoc tamen minimè contenti, in devotam insuper compensationem, illatæ à prædicatore illo injuriæ, donum ingentis valoris Deiparæ sine labe conceptæ obtulerint. Erat hoc Tela quædam pretiosissima, ex communî Hispalensium arario perfoluta, in qua maximis characteribus, ex gemmis, & adamantibus studiosè intexta videbatur sequens inscriptio: *Beatissima Virgo MARIA concepta est, sine peccato.* Et quantum creditis pro tanto opere pretium exsolutum fuisse? Stetit certè donum hoc octoginta millibus ducatorum. Sed nonnè & nos tale donum MARIE sine labe conceptæ offerre poterimus? offeremus certè, si quod unice exigit, Cordonaverimus, juxta illud: *Fili, præbe mihi cor tuum,* Prov. 23. v. 26. Refert munus hoc ab Hispalensibus oblatum Joannes Bourghesius, *Lib. de Societ. MARIÆ Sacrà, c. 21.*

* *
*

§. 5. *Symbolum.*

208. SaLaManDra, In IgnItIs CarbonibVs, sine Læslone.



In medijs Salamandra salit, nil territa, flammis,
Non nocet huic ignis, non timet illa rogam.
In medijs, sine labe, salit purissima flammis
Virgo Parens: maculæ non timet illa rogam.

Cum ambulaveris in igne, non combureris, & flamma non ardebit in te. Isaia. c. 43. v. 2.

§. 6. *Antiquitas.*

209. MVLler asDrVbaLe Constantior.

ASdrubalem, valorosissimum aliàs Carthaginensium Ducem, plures hinc inde Victoriæ celebrem reddiderunt, qui tamen gloriosus Scipionis, Romanorum Antesignani, progressibus nimium perterrefactus, sese turpiter dedit, adeò quidem, ut major fuerit mulieris, ejus conjugis, quam tanti Ducis constantia, ut paucis narrabimus: Submittebatur à Romanis, contra Carthaginenses, generosus Juvenis, Scipio Æmilianus, qui tantâ munus suum dexteritate, ac fortitudine peregit, ut iteratis aggressibus totam successivè Carthaginem, licèt immensæ amplitudinis, occupârit, Unicum adhuc victri-

bus

bus palmis deerat Præsidium, Byrsâ nuncupatum, quo valorosiores sese milites, ac incolæ, in magnâ quantitate receperant, extrema ibidem, pro sui conservatione, tentaturi. Verùm, vix primam Arci manum Scipio admoverat, ignemque subijcere cœperat, cùm ecce! ad unum omnes (quadraginta hominum millia numerabantur) Victori se protinùs submitterunt, quos inter ipse etiam Asdrubal, Carthaginensim Primipilus, ut mortem evaderet, captivum se tradidit. Unica hîc, in confusionem tantorum virorum, contradicebat deditioi mulier, ipsissima nimirum Asdrubalis conjux, quæ non tantum marito probrosum inconstantia suæ facinus summè exprobravit, quod nimirum, præ timore, ac vitæ desiderio, adedò indignam tanto Duce servitutum in se susceperit, verùm etiam, ut suam ipsâ magnanimitatem, ac validiorem animi constantiam exhiberet, ne captiva & ipsâ abduceretur, è superiori Arcis fenestrâ, semet in ignem præcipitare maluit, ac viva comburi. *Velleus lib. 5. c. 12.*

Mulierem fortem quis inveniet? Inveniet ille, qui Heroicos MARIÆ ausus attentius examinaverit. Irreperat, non in unam tantum Carthaginem, sed in Orbem universum,

Tartareus inimicus, vixque serpens callidus pauculis verbis, Arcis animæ deditioem, ab Adamo Præfecto exegerat, cùm ecce! submitte se per peccatum illo, non quadraginta tantum millia, verùm, quotquot futura erant in posteritate capita, unâ sese voce miserè submitunt, diræque captivitati tradunt. Unica tamen hîc contradicebat mulier, omnî Heroe fortior: MARIA, vel ideò *benedicta in mulieribus*, quia indignam rata, tanto Principe, qualis Adam erat, dæmonis servitutum. Ipsa ergo, nullo momento consentiens, maluit sese in ignem maturè præcipitare, quàm dictæ servituti se, vel ad momentum, committere. Sed qualis ille ignis, in quem MARIA profiliit? certè non alius, quàm ignis Divini amoris, quo in primò jam Conceptionis instanti, tota conflagrabit, ut nullus patuerit inimico accessus, ad eam, aliorum instar, per originale, in suam captivitatem abducendam.

§. 7. *Anagramma.*

Virgo, à MaCVLâ ADæ 210.
Libera.

Virgo à maculâ Adæ patenter immunis!

Versio litteralis

Ave Maria, gratiâ plena, Dominus tecum,



De Conceptâ Sacrâ Deiparâ.

CONCEPTUS XXXI.

§. I. *Scriptura.*

211. arCa VirGInea, SathanaM ConfVnDens.

i. Reg. c. 5. v. 3. *Ecce Dagon jacebat pro-nus in terrâ, ante Arcam Domini.*

Memorandam de falso Philisthaorum Numine historiam Sacræ nobis paginæ exhibent

quam ipsissimis ibi contentam verbis referre consultissimum erit; sic enim se habet: *Philisthij autem tulerunt Arcam DEI, & asportaverunt eam à lapide adjutorij in Azotum, Tuleruntque Philisthij Arcam DEI, & intulerunt eam in Templum Dagon, & statuerunt eam juxta Dagon: Cumque surrexissent diluculo Azotij, alterâ die, ecce! Dagon jacebat pro-*

3. Reg. c. 5. v. 1 & seq.